

ქ. თბილისი

11 ოქტომბერი, 2016 წელი

ერთი მხრივ, საჯარო სამართლის იურიდიული პირი „საზოგადოებრივი მაუწყებელი“ (შემდგომში „შემსყიდველი“), წარმოდგენილი გენერალური დირექტორის გიორგი ბარათაშვილის სახით,

და მეორე მხრივ, შეზღუდული პასუხისმგებლობის საზოგადოება „კოკა-კოლა ბოთლერს ჯორჯია“ (შემდგომში „მიმწოდებელი“), წარმოდგენილი აღმასრულებელი დირექტორის ვახტანგ ლალიძის სახით,

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტისა და სსიპ „საზოგადოებრივი მაუწყებლის“ გენერალური დირექტორის 2016 წლის 15 თებერვლის №32 ბრძანების თანახმად, წინამდებარე ხელშეკრულების საფუძველზე თანხმდებიან შემდეგ ზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს საქონლის, კერძოდ, უალკოჰოლო სასმელის („კოკა-კოლა“) (უალკოჰოლო სასმელები, კლასიფიკატორის კოდი №159 800 00) (შემდგომში „შესყიდვის ობიექტები“) შესყიდვა.
- 1.2. შესყიდვის ობიექტების აღწერილობა და განფასება:

№	შესყიდვის ობიექტების აღწერილობა	რაოდენობა	ერთეულის ფასი (ლარებში)	საერთო ფასი (ლარებში)
1	„კოკა-კოლა“ 0.5ლ/24 ბოთლიანი კომპლექტი (პლასტმასის)	10 კომპლ.	25.40	254.00
				სულ: 254.00 ლარი

მუხლი 2. ხელშეკრულების შესრულების კონტროლი

- 2.1. *შემსყიდველს* ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ შესყიდვის ობიექტები, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. შესყიდვის ობიექტების შემოწმების ადგილია *შემსყიდველის* იურიდიული მისამართი.
- 2.2. წინამდებარე ხელშეკრულების შესრულების კონტროლს ახორციელებს სსიპ „საზოგადოებრივი მაუწყებლის“ ადმინისტრაციის უფროსი თეონა ენუქიძე.
- 2.3. *მიმწოდებელი* ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული შესყიდვის ობიექტების შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.
- 2.4. წინამდებარე ხელშეკრულების გაფორმებაზე უფლებამოსილი პირი და ასევე ხელშეკრულების შესრულებაზე პასუხისმგებელი პირი, წინამდებარე ხელშეკრულებაზე ხელმოწერით ადასტურებენ, რომ გაცნობილნი არიან „სახელმწიფო შესყიდვების შესახებ“ საქართველოს კანონს და მათი მონაწილეობა შესყიდვის განხორციელების პროცესში არ ეწინააღმდეგება აღნიშნული კანონის მე-8 მუხლის მოთხოვნებს.

მუხლი 3. შესყიდვის ობიექტების მიღება-ჩაბარების წესი

- 3.1. *მიმწოდებელმა* შესყიდვის ობიექტების *შემსყიდველისათვის* მიწოდება უნდა განახორციელოს ხელშეკრულების დადებიდან 2016 წლის 31 დეკემბრამდე პერიოდში *შემსყიდველის* მოთხოვნიდან 3 (სამი) დღის განმავლობაში.
- 3.2. წინამდებარე ხელშეკრულების მოქმედების პერიოდში შესყიდვის ობიექტების მიწოდება მოხდება პარტიულად *შემსყიდველის* მოთხოვნის (შეკვეთების) შესაბამისად.
- 3.3. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია *შემსყიდველის* იურიდიული მისამართი.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს 254.00 (ორას ორმოცდათოთხმეტი) ლარს დღგ-ს ჩათვლით.
- 4.2. 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.3. ანგარიშსწორება ხორციელდება *მიმწოდებლის* მიერ შესყიდვის ობიექტის მიწოდების შესახებ მხარეთა შორის მიღება ჩაბარების აქტზე ხელმოწერიდან 10 (ათი) საბანკო დღის ვადაში.

მუხლი 5. მხარეთა ვალდებულებები

- 5.1. *შემსყიდველი* კისრულობს ვალდებულებას:
 - 5.1.1. წინამდებარე ხელშეკრულების შესაბამისად დროულად და სრულად მოახდინოს *მიმწოდებელთან* ანგარიშსწორება.
 - 5.1.2. წინასწარ 3 (სამი) დღით ადრე წერილობით ან ზეპირი შეტყობინების საფუძველზე აცნობოს *მიმწოდებელს* მისაწოდებელი პროდუქციის რაოდენობა.
- 5.2. *მიმწოდებელი* კისრულობს ვალდებულებას:
 - 5.2.1. *შემსყიდველისგან* შეტყობინების მიღებიდან 3 (სამი) დღის ვადაში მიაწოდოს *შემსყიდველს* შეტყობინებაში მითითებული რაოდენობის შესაბამისად;
 - 5.2.2. პროდუქციის მიწოდება განახორციელოს *შემსყიდველის* იურიდიულ მისამართზე.
 - 5.2.3. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით.
 - 5.2.3. უზრუნველყოს ხელშეკრულებით ნაკისრი ვალდებულების დროულად და სრულად შესრულება.

მუხლი 6. გარანტია

- 6.1. *მიმწოდებელი* კისრულობს ვალდებულებას გადასცეს *შემსყიდველს* უფლებრივად და ნიუთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო ან საერთაშორისო სტანდარტებს.
- 6.2. თუ საქონლის მიღებისას გამომუდგენდება საქარხნო დეფექტი, *მიმწოდებელი* იღებს ვალდებულებას, შეცვალოს დეფექტური საქონელი ახლით 5 (ხუთი) სამუშაო დღის განმავლობაში.

მუხლი 7. მხარეთა პასუხისმგებლობა ხელშეკრულების

პირობების შეუსრულებლობისათვის

- 7.1. *მიმწოდებლის* მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, *შემსყიდველი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 7.2. *შემსყიდველის* მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, *მიმწოდებელი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 10 თებერვლის ჩათვლით.

მუხლი 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული

შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 10. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 11. ზოგადი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 11.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 12. მხარეთა რეკვიზიტები და ხელმოწერები

შემსყიდველი

სსიპ

„საზოგადოებრივი მაუწყებელი“

მის.: ქ. თბილისი, კოსტავას ქ. №68
საიდენტიფიკაციო კოდი: 204 858 163

დაფინანსების წყარო – საკუთარი
სახსრები

სახელმწიფო ხაზინა

ხაზინის ერთიანი ანგარიში

კოდი: TRESGE22

გენერალური დირექტორი

გიორგი ბარათაშვილი

მიმწოდებელი

შპს

“კოკა-კოლა ბოთლერს ჯორჯია”

მის.: ქ. თბილისი, აკ. წერეთლის №114
საიდენტიფიკაციო კოდი: 201 948 063

საბანკო რეკვიზიტები:

სს „თიბისი ბანკი“, მარჯანიშვილის/ფ

ანგ. №GE45 TB11 0000 0011 4676 96

კოდი: TBCBGE22

აღმასრულებელი დირექტორი

გახტანგ ლაღიშვილი

საჯარო სამართლის იურიდიული პირი
საზოგადოებრივი მაუწყებელი
ბ რ ძ ა ნ ე ბ ა

თბილისი

2016 წლის 15 თებერვალი

№ 32

წარმომადგენლობითი ხარჯის ანაზღაურების შესახებ

სსიპ „საზოგადოებრივი მაუწყებლის“ ოფიციალური სტუმრების უგაზო და გაზიანი მინერალური და გამაგრილებელი წყლით გამასპინძლების მიზნით, ვბრძანებ:

შეძენილ იქნას 2000 ბოთლი ბორჯომის (0.5 ლ.), 3300 ბოთლი წყლის (0.5 ლ.) და 1200 ბოთლი „კოკა-კოლა“-ს (0.5 ლ.) 1 წლის მარაგი.

საფუძველი: ადმინისტრაციის უფროსის თეონა ენუქიძის მოხსენებითი ბარათი №537/03
12.02.16

გენერალური დირექტორი



გიორგი ბარათაშვილი